



UNIVERSITÄTS-
BIBLIOTHEK
PADERBORN

Flores Meditationvm


Bebius, Philippus

Coloniae Agripp., 1623

Medit. 40. De Irrisione & iniurijs in cruce.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

passionis & mortis suæ præmia, non diuidere inter delicatos sed inter milites, idest, eos qui strenuè contra vitia & semetipfos pugnant.



MEDITATIO XXX.
DE IRRISIONE ET IN-
IURIIS IN CRUCE.

PVNCTA MEDITATIONIS.

- Mat. 27* I. *Transeuntes blasphemabant eum di-*
Marc. 15 *centes: Vah? quid destruis templum.*
Luc. 23 II. *Similiter principes illudebant cum*
Scribis & senioribus.
III. *Dicebant: Alios saluos fecit seipsum*
non potest saluum facere. Si Rex Is-
rael est descendat de cruce, & credi-
mus ei.

FIGVRA.

Gen. 9. **N**OE, vini haustu inebriatus, nudus
iacebat dormiens in Tabernaculo,
quem videns Cham filius illudit, osten-
dens eum fratribus suis.

PROPHETIAE.

Psal. 21. **O**Mnes videntes me, deriserunt me, locuti
sunt labijs, & mouerunt caput.

*Sperauit in Domino, eripiat eum, saluum
faciat eum quoniam vult eum.*

2. *Ego factus sum opprobrium illis, viderunt me, & mouerunt capita sua.* Ps. 108.

3. *Plauserunt super me manibus omnes transeuntes per viam, sibilauerunt & mouerunt caput suum.* Thren. 2

DOCUMENTA.

1. **Q**uanquam diaboli persuadere nobis laborent, vt de cruce descendamus: aucto relicto proposito vitæ sanctæ, aut ommissa exercitatione aliqua operis boni, cui assueuimus, non sunt tamen audiendi, sed ad mortem vsque cum Christo manendum in cruce.

2. Quia Christus erat Filius Dei, non conueniebat illum de cruce descendere, sed ascendere ad Patrem: Sic non conuenit seruos Dei, vt ad imperfectiones & res humiles mundi descendant: verum ascendant de virtute in virtutem vsque ad verticem perfectionis.

3. Quod boni semel proposuimus, id constanter debemus exequi: neque villo prætextu boni operis, (quamuis totum mundum lucrari possimus) vltro ad imperfectionem vllâ descendere. Nā & Christus ne promittentibus quidem Iudæis se credituros ei, voluit de cruce descendere.

4. Opprobrijs & iocis laceffitus in cruce Christus tacet: at non tacet latroni, Matrem consolatur: Patri se commendat; vt nos doceret, vbi vel honor Dei, vel salus animarum ageretur, ibi nos prodendi &

loquendi tempus esse: sed si quid nobis perfectionis aut iniuria adferatur, amore Christi tacendum & ferendum.

5. In tentationibus & angustijs quanquam videamur destitui ope diuina, nunquam tamen debemus spem de Deo planè abijcere, suo tempore enim sine dubio auxilia & solatia submittet.

6. Irrident Christum in cruce, qui in peccatis suis gloriantur, quibus ipsummet Christum crucifixerunt.



MEDITATIO XLI. DE PRIMO VERBO.

PVNCTA MEDITATIONIS.

- Luc. 23.* I. IESVS *in Cruce pendens, dicebat:*
II. PATER DIMITTE ILLIS.
III. *Non enim sciunt, quid faciunt.*

FIGVRA.

Exod. 32. **D**V M filij Israel in deserto sibi idola constituunt, & contra ducem Moysen grauer murmurāt: Moyses ipse flexis humi genibus in vertice montis rogabat, vt Deus illis ignosceret.

PROPHE-